



# *Kattusseqatigiit Partiiat*

15 oktober 2012

Inatsisartut suleriaasianni § 37 naapertorlugu apeqquteqaat imaattoq Naalakkersuisunut ingerlateqqippara:

## **Naalakkersuisunut apeqqutit:**

1. Ilagiit sinniisasa qinikkatut suut akisussaaffigaat aamma suut pisussaaffigaat ?
2. Ilagiit sinniisaasa aamma prosteqarfiit, palaseqarfiit, biskop-feqarfiullu akornanni suleqatigiinneq qanoq ittoq ingerlanneqartarpat ? suleriaaseqartoqarpaa aaliangersimasunik ? imaluunniit suleriaatsimut najoqqutassanik peqartoqarpaa ?
3. ilagiit sinniisaat qinikkatut sulinerminni qanoq aningaasalersorneqartarpat ?
4. ilagiit sinniisaat qinikkatut qanoq aningaasatigut ajunngittorsiassaqartinneqarpat ?
5. ilagiit sinniisaanni sulinerup inuusuttunut pilerinarnerulersinneqarnissaa aamma kajuminnarnerulersinneqarnissaa pillugu naalakkersuisut qanoq suliniuteqarpat ? imaluunniit tamanna pillugu suliniuteqartoqarpaa ?
6. najungarisaq qimallugu toqusoqartillugu sumiiffimmi ilagiit sinniisaat pisussaaffeqarpat ?
7. Oqaluffimmi qilaatersornerup ingerlanneqarnera sioqqullugu ilagiit sinniisaat tamatumunnga aaliangeeqataatinneqarsimappaat ?

(Inatsisartunut ilaasortaq Knud Fleischer, Kattusseqatigiit Partiiat)

## **Tunngavilersuut:**

Ilagiit ilaanniit saaffigineqarnerput tunngavigalugu apeqqutit qulaani taaneqartut assut soqutigineqarmata Kattusseqatigiit Partiianni ingerlateqqippavut. Neriutingaarput inatsisartut ilageeqarneq pillugu peqqussutaat atuuttoq naapertorlugu apeqqutit ilai paragrafinut aaliangersimasunut imaluunniit nalunaarutinut innersuunneqarsinnaajumaartut, taamaaliornikkut inuit kikkulluunniit apeqqutini qulaani pineqartuni aamma nammineerlutik aaliangersakkanik alakkaasinnaanerat ujaarlarsinnaanerallu pitsaanerusumik pilertornerusumillu ikiorsiivigineqaqqullugit.

Kissaatingaara apeqqutit ullut suliffiusut qulit ajornanngippat qaangiutsinnagit akineqarumaartut.